

Brindis di Canto 2003 masha placentero

E aña aki Brindis di Canto presenta pa Scol di Musica Rufo Wever, y cual anochi a ser dirigi pa Tica Giel un biaha mas, a resulta masha placentero den aula di E.P.I. completamente yen.

Por a goza di alumnonan infantil, hubenil y adulto como solista, coro di mucha, coro hubenil y coro Den Harmonia, acompaña na piano pa Johnny Croes, Ben Oosterbos, Johnny Scharbaay, y Jane Lanooij, Federico Martis riba baho, Fabian Willems riba cuarta y Carlos Bislip riba percusion.

E anochi a cuminsa masha alegre cu e Coro di mucha interpretando algun cancion di mucha, manera "Tur mainta", tradicional hulan-des y spaño di "B met een AA" y "acht Keline vogeltjes", "Los Pollitos" y "Pompimpeldora" y na ingles "The More we are together", "The Puss/Dickory Dock", hunto cu "Ai simpa simpa", y na indones "Nona minta dansa".


Remarcable tabata e manera cu e muchanan tabata domina nan voz, canta suave, sin ningun exageracion di hisa voz.

E combinacion di voz masha bunita a bini despues cu e coro hubenil y coro femenino, hunto cu Jane Lanooij y Lila Richardson, acompañando Franchesca (Heinze) den e composicion di Cockenpot, "I tied my posies".



hubenil a sigui cu e wals "Faria", e cancion popular tradicional Israeli, "Hawah Nagielah", di Scanl e cancion "Peek a boo" y aki un biaha mas por a goza di e dominio di voz di e coro hubenil.

Seguidamente hunto cu Arlenne Wever, Marcia Thiel y Maria Maduro, a sigui cu 3 canon, "Le Bourdon dit/ La Campana y Bon Soir". E ultimo aki cu e coro parti na 4 grupo di dos voz, tabata un preciosidad.



DARELYN KOOLMAN

Darelyn Koolman a traha su propio letranan y a interpreta masha bunita e cancion "Unda tin paz" cu ta conoci na ingles como "Danny Boy" y a ricibi hopi aplauso pa esaki.

E participantenan Desirée Lacle, Lilianne Wouters y Meredith Lacle a canta seguidamente "Somerset walking song" di Stevens, prome cu Marcia Thiel como solista (cu voz sexy di griep) a interpreta masha bunita e popular "Besame mucho" y cu un toque sensual.

Coro "Den Harmonia" cu Ben Oosterbos riba piano, a sigui cu "Mainta" aregla pa Maybelline Arends Cores, "Cancion di Cuna" cu tabata maraviyoso, di e musical "The Fantastiks" e cancion "Try to Remember" cu tambe tabata sumamente bunita, y di e musical "Carousel" e cancion "You'll never walk alone." Di ultimo aki mester bisa cu

JOSEPHINE V.D. LINDE
Cantando cu Coro Hubenil

tabata un composicion dificil pa e tres voznan y e cambianan tonal cu e coro a presenta masha agradable y precioso.

Di region caribense e coro hubenil cu Federico Martis riba baho, Johnny Scharbaay riba piano, y Carlos Bislip riba percusion, a habri cu un potpourri cu a consisti di "Yellow Bird", "Panama Tombé", "Laughing Samba", "Sambalele" y "El cubanchero" y cera e prome parti di e show.

E coro a ser reforza aki tambe pa Arlenne Marcia y Maria.

E di dos parti a habri cu un sorpresa y esaki tabata Mylene Arends cu a haci un comeback. Despues di hopi tempo tabata un placer pa sinta scucha Mylene cantando e cancion di Maria Grever, "Cuando vuelo a tu lado", combina cu su version na ingles "What a difference a day make".

E coro di mucha a sigui despues cu e wals "Alavan" e cancion tradicional hapones, "Haruga kita", e walsnan "Entre las matas/Que hora es" y e bunita cancion italiano "Bella bimba".

Cu Johnny Croes na Piano, Coro "Den Harmonia" a interpreta algun cancion seguidamente, cuminsando cu "Be still my soul", sigui pa e tumba conoci "Maria den cushina" canta sin acompañamento musical, y den cual e voznan mes a interpreta e parti musical.

Di Tica Giel a canta e wals "Paharito admira" cu tabata masha bunita tambe y den voz di coro hubenil. E cancion cu "Den Harmonia" a conquista e publico cune tabata "Edelweiss" di e musical "Sound of Music" y cu e ricibi masha aplauso y grito di aprecio, y cu Ben Oosterbos riba piano nan a cera cu "Funiculi funiculara."

Pa termina e programa, e coro hubenil acompaña pa

Arlenne, Marcia y Mylene a presenta un potpourri di cancionnan di e opereta "E princes di Guadirikiri".

OPERETA
GUADIRIKIRI



E opereta aki di Rien Hasse-laar cu na 1956 a bira director di Arubaanse Muziekschool, a ser presenta na St. Anna School na Noord y despues den Cul-

tureel Centrum, awe, Cas di Cultura. Tabata un obra di Rien y Sr. Robert Henriquez cu a bira e prome opereta presenta na Aruba na 1959, seis luna despues cu a habri Cultureel Centrum. E publico a ser treci bek den recordonan grato di e opereta aki cu e cancionnan cu un toque musical di ritmonan moderno.

A cuminsa cu "Mira con ta nos legria" canta den ritmo

"Salu-felicidad".

E potpourri aki tabata un final digno y precioso pa e "Brindis di canto 2003" cu a finaliza cu tur participante hunto cantando "Nos ta canta," cu letra y areglo di Tica Giel, adapta di e can-

cion original hungaro, y cual a publico a pidi pa ripiti na final di e anochi cu a termina cu e lema di "Canta, canta cu alegria, awe, manan y tur dia!"

Atrobe por bisa cu esakinan ta e tipo di anochinan cu nos artistanan, cualnan ta cay den e categoria di shownan di canto mas precioso di nos isla, y cu ainda nos pueblo no a sa di aprecia, apesar cu e aula di EPI tabata yen.

Presentacionnan di canto cu mucha y cu coro di mucha, hubenil y adultonan, cu ainda nos publico amante di musica mester conoce pa por yena un Cas




di merengue, combina cu "Regalo pa Finfina" den ritmo di danza, y a pasa mes ora pa "Unda e por ta" den ritmo di wals y "E chinchirinchinan" den ritmo di danza, "Bin chuchubi" canta riba ritmo di bolero, "Lanta Chinchirinchinan" den ritmo di tumba, "Tirikitará" den ritmo di merengue y finalizando cu e wals

di Cultura anochi tras di anochi.

Un pabien na Tica Giel, su alumnonan y na Scol di Musica Rufo Wever cu e anochi precioso aki den cuadro di 50 aña di existencia di Stichting Arubaanse Muziekschool.

Juby Naar.



JUNIOR
(FRANCIS WERNET)

E sorpresa di e anochi tabata Junior (Francis Wernet) cu a duna interpretacion solo di "Drink to me Only" y "Morning has broken" di Cat Stevens, pa cuminsa, y despues a duna bunita prestacion di e cancion napolitano clasico, "Santa Lucia" y termina mas alegre cu "Guan-tanamera". Su peticion tabata pa por a usa papel pa e cancionnan, sin embargo a sorprende cantando e cancionnan di memoria.

El a ser acompaña pa Johnny Scharbaay y Carlos Bislip.